

ষষ্ঠ অধ্যায়

সম্প্রীতি

প্রিয় শিক্ষার্থী, আমরা বছরের একেবারে শেষাংশে চলে এসেছি। এবারে আমরা একটি নতুন বিষয়ে শিখব। বিষয়টি ইসলাম শিক্ষার পাঠ্য হিসেবে নতুন হলেও তোমরা কিন্তু ষষ্ঠ শ্রেণি এবং সপ্তম শ্রেণির এখন পর্যন্ত পাঠ থেকে বিষয়টি সম্পর্কে জেনে এসেছ। এবারে আমরা জানব ধর্মীয় সম্প্রীতি সম্পর্কে।

সম্প্রীতি অর্থ সন্তাব। সকলের সাথে মিলেমিশে সুন্দর সম্পর্ক বজায় রেখে চলাই সম্প্রীতি। ইসলামের আলোকে ধর্মীয় সম্প্রীতি বজায় রাখার কোনো উদাহরণ কি তোমার জানা আছে? একটু চিন্তা করে দেখো। আমাদের মহানবি (সা.) আমাদের জন্য ধর্মীয় সম্প্রীতি বজায় রেখে চলার বেশ কিছু উজ্জ্বল দৃষ্টান্ত উপস্থাপন করে গিয়েছেন। এ বিষয়ে শিক্ষক তোমাকে আরো বিস্তারিত জানাবেন এবং কিছু কাজ করতে দিবেন। শিক্ষকের নির্দেশনা মেনে কাজ করলেই তুমি সম্প্রীতি সম্পর্কে জানতে এবং বুঝতে পারবে। তবে কেবল ইসলামেই ধর্মীয় সম্প্রীতির দৃষ্টান্ত রয়েছে এমন নয়, অন্যান্য ধর্মেও সকলের সাথে মিলেমিশে সম্প্রীতি বজায় রাখার উপর গুরুত্ব আরোপ করা হয়েছে।

বাংলাদেশে ইসলাম এসেছে আউলিয়া ও উদার ধর্ম প্রচারকদের মাধ্যমে। তারা এই জনপদে এসে সকলের সাথে সম্প্রীতি ও ভালো বাসার সম্পর্ক রেখে এখানে ইসলামের মহান শিক্ষা প্রচার করেছেন। আমাদের দেশে ধর্ম-বর্ণ নির্বিশেষে সকলেই আমরা এদেশের নাগরিক। কেউ কারো শত্রু নয়। আমরা হাজার বছর ধরে শান্তিপূর্ণ সহাবস্থান করে আসছি। আমাদের এই ধর্মীয় সম্প্রীতি ও নাগরিক সৌহার্দ্য নষ্ট হতে পারে এমন কোনো কাজ করবো না। এটাই আমাদের ইসলামের মহান শিক্ষা। মহানবি (সা.) ও সাহাবিদের জীবনী পড়লে আমরা এই সাম্প্রদায়িক সম্প্রীতির বহু নজির দেখতে পাই।

এবার শিক্ষক তোমাদেরকে দু'জন ব্যক্তি সম্পর্কে বলবেন যারা সর্বদা সম্প্রীতি বজায় রেখে ধর্ম-বর্ণ নির্বিশেষে সকলের জন্য কাজ করে গিয়েছেন। কয়েকটি আকর্ষণীয় এবং আনন্দময় কাজ করার মাধ্যমে তোমরা এখন তাদের সম্প্রীতিমূলক কাজ সম্পর্কে আরো জানতে পারবে। তাদের কার কোন কাজটি তোমার সবচেয়ে বেশি ভালো লেগেছে তা বন্ধুদের জানাবে এবং উপস্থাপন করবে। এর মাধ্যমেই সপ্তম শ্রেণির ইসলাম শিক্ষার পাঠের সমাপ্তি হবে।



মহাখালী
ফ্লাইওভার



খিলগাঁও
ফ্লাইওভার



মিরপুর-বনানী-এয়ারপোর্ট
ফ্লাইওভার

ফ্লাইওভার :
উন্নয়নের পথে,
পথ চলি একসাথে

স্বাধীনতার পঞ্চাশ বছরে আমাদের দেশের যোগাযোগ ব্যবস্থায় এসেছে বিপুল পরিবর্তন। ক্রমবর্ধমান জনসংখ্যার কথা মাথায় রেখে শেখ হাসিনা সরকার সড়ক ও অবকাঠামো উন্নয়নে বিভিন্ন যুগান্তকারী পদক্ষেপ নিয়েছে, যার সুফল আমরা ইতোমধ্যেই পাচ্ছি। মিরপুর ফ্লাইওভার, হাতিরঝিল প্রকল্প, হানিফ ফ্লাইওভার, কুড়িল ফ্লাইওভার, বনানী ফ্লাইওভার, ইউলুপ, মগবাজার-মৌচাক ফ্লাইওভার, বিআরটি প্রকল্প, এলিভেটেড রিং রোড প্রকল্প প্রভৃতি উন্নয়ন কর্মকাণ্ড নগরীকে যানজটমুক্ত করার পাশাপাশি সৌন্দর্যও বৃদ্ধি করেছে।